

საქართველოს სახელმწიფო დაცვის სპეციალური სამსახური



სადაზღვევო და საპენსიო მომსახურებების ელექტრონული ტენდერის საშუალებით სახელმწიფო შესყიდვა სახელმწიფო შესყიდვის ერთობლივად განხორციელება

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებისა და „სამედიცინო დაზღვევის სახელმწიფო შესყიდვის ერთობლივად განხორციელების თაობაზე“ საქართველოს სახელმწიფო დაცვის სპეციალური სამსახურის უფროსის 2016 წლის 4 ნოემბრის N41568 ბრძანების შესაბამისად

ქ. თბილისი

2016 წელი

1. ტექნიკური და საკვალიფიკაციო მოთხოვნები

1.1. დაფინანსების წყარო;

1.2. პრეტენდენტის მიერ სისტემაში ატვირთული სატენდერო წინადადება;

1.3. მომსახურების გაწევის ვადა;

1.4. შესყიდვის ობიექტის სავარაუდო ღირებულება;

1.5. წინადადებით წარმოდგენილი ფასის კლების ბიჯის ოდენობა;

1.6. ხელშეკრულების უზრუნველყოფის საბანკო გარანტია;

1.7. სატენდერო წინადადების მოქმედების ვადა;

1.8. ინფორმაცია ანგარიშსწორების შესახებ;

1.9. ფასწარმოქმნის ადეკვატურობის დასაბუთების ვალდებულება.

2. ტექნიკური პირობები

3. სახელმწიფო შესყიდვების შესახებ ხელშეკრულების პროექტი

4. აფიდავიტის საილუსტრაციო ფორმა

5. საბანკო გარანტიის ფორმა

6. დამატებითი ინფორმაცია.

1. ტექნიკური და საკვალიფიკაციო მოთხოვნები

1.1. დაფინანსების წყარო

– საქართველოს სახელმწიფო დაცვის სპეციალური სამსახური – სახელმწიფო ბიუჯეტი;

– სსიპ „სახელისუფლებო სპეციალური კავშირგაბმულობის სააგენტო“ – საკუთარი შემოსავლები;

1.2. პრეტენდენტის მიერ სისტემაში ატვირთული სატენდერო წინადადება უნდა შეიცავდეს:

1. ინფორმაციას პრეტენდენტის რეკვიზიტების შესახებ (ორგანიზაციის ან ფიზიკური პირის დასახელება, იურიდიული მისამართი, პრეტენდენტის ფაქტობრივი მისამართი, ტელეფონი, ფაქსი, საბანკო რეკვიზიტები, ხელმძღვანელის სახელი, გვარი).

2. სახელმწიფო საიდუმლოებასთან დაკავშირებული საქმიანობის ნებართვა - ფორმა №4;

3. პრეტენდენტს უნდა გააჩნდეს საქართველოს სადაზღვევო ბაზარზე საქმიანობის მინიმუმ 6 წლიანი გამოცდილება;

4. ელექტრონული ვაჭრობის დასრულების დღისათვის, კომპანიას უნდა ჰქონდეს ნაღდი ფულით ასანაზღაურებელი მოქმედი პუნქტები, მოქმედი ფილიალები და/ან წარმომადგენლობები ქ.თბილისში, ქ.ბათუმში და ქ.ქუთაისში.

კომპანიას უნდა ჰქონდეს პროვაიდერი სამედიცინო დაწესებულებები.

კომპანიამ უნდა წარმოადგინოს ინფორმაცია ზემოაღნიშნული ფილიალების და/ან წარმომადგენლობების შესახებ (მისამართები და ხელმძღვანელი პირების საკონტაქტო ინფორმაცია), ასევე პროვაიდერი სამედიცინო დაწესებულებების შესახებ;

5. დაზღვევის ლიცენზია;

6. სატენდერო წინადადების ატვირთვის თარიღის მდგომარეობით წარმოდგენილი უნდა იქნას პრეტენდენტი კომპანიის შესახებ შემდეგი ინფორმაცია:

6.1 საკუთარი კაპიტალის შესახებ ინფორმაცია;

6.2 საწესდებო კაპიტალის შესახებ ინფორმაცია;

6.2 სადაზღვევო და სხვა დამატებითი რეზერვების შესახებ ინფორმაცია;

6.3 ბოლო 2 საანგარიშო წლის განმავლობაში მიღებული მოგება ზარალის უწყისი;

6.4 ბოლო 2 საანგარიშო წლის ბალანსი;

6.5 განცხადებული ზარალების შესახებ ინფორმაცია დაზღვევის თითოეული სახეობის მიხედვით;

6.6 ასანაზღაურებელი ზარალების (ნეტო და ბრუტო) შესახებ ინფორმაცია დაზღვევის თითოეული სახეობის მიხედვით, მათ შორის წინა წლებიდან გადმოყოლილი ზარალები;

6.7 დაზღვევის თითოეული სახეობის მიხედვით აღებული სადაზღვევო ვალდებულებები (ნეტო და ბრუტო);

6.8 სხვა ვალდებულებების შესახებ ინფორმაცია;

მოთხოვნილ ინფორმაციას თან უნდა ერთვოდეს შესაბამისი აუდიტორული დასკვნა.

7. პრეტენდენტმა უნდა წარმოადგინოს დეტალური ინფორმაცია და სქემა სადაზღვევო მომსახურების (სამედიცინო დახმარების) მიღების და სადაზღვევო ანაზღაურების წესის შესახებ, რომელიც უნდა შეესაბამებოდეს შემსყიდველის მოთხოვნებს.

8. მინიმუმ ორი სარეკომენდაციო წერილი მსგავსი საქმიანობის განმახორციელებელი სახელმწიფო ორგანიზაციიდან.

9. ტენდერის შედეგად გამარჯვებული სადაზღვევო კომპანიის გამოვლენის შემდეგ, ხელშეკრულების გაფორმების მომენტიდან, დამზღვევს მთელი სადაზღვევო პერიოდის განმავლობაში უფლება აქვს მზღვეველს მიაწოდოს კონკრეტულ თანამშრომელთა სია, რომლებმაც სამედიცინო მომსახურება უნდა მიიღონ მხოლოდ მზღვეველის კონკრეტულ პროვაიდერ სამედიცინო დაწესებულებაში. ეს კონკრეტული დაწესებულება განისაზღვრება დამზღვევის და მზღვევის წერილობითი შეთანხმების საფუძველზე.

10. მინიმუმ ორი გაუმჯობესებული სადაზღვევო პაკეტი.

1.3. მომსახურების გაწევის ვადა

1.3.1 2017 წლის პირველი იანვრიდან 2017 წლის 31 დეკემბრის ჩათვლით.

1.4. შესყიდვის ობიექტის სავარაუდო ღირებულება:

1.4.1 მომსახურების სავარაუდო ღირებულება 12 თვეზე გაანგარიშებით შეადგენს არაუმეტეს **1270080** ლარს. არასრული თვის შემთხვევაში მოხდება პროპორციული გადაანგარიშება დღეების მიხედვით.

1.4.2 პრეისკურანტის სავარაუდო ღირებულება შეადგენს 40 ლარს. პრეისკურანტის სავარაუდო ღირებულება წარმოადგენს სატენდერო დოკუმენტაციით განსაზღვრული ინდივიდუალური „საბაზისო ინდივიდუალური სადაზღვევო პაკეტის“ ერთეულის ღირებულებას (ერთი თვის სადაზღვევო პრემია ერთ დაზღვეულ თანამშრომელზე). პრეისკურანტის საბოლოო ღირებულება უნდა ითვალისწინებდეს შესაბამისი მომსახურების გაწევასთან დაკავშირებულ ყველა სახის ხარჯს, მათ შორის მოქმედი კანონმდებლობით დადგენილ გადასახადებს (გარდა საშემოსავლო გადასახადისა, რომლის გადახდას უზრუნველყოფს შემსყიდველი).

1.4.3. გაუმჯობესებული (საბაზისო ინდივიდუალური ბარათის ზევით) ბარათის პირობებით და/ან ოჯახის წევრის სადაზღვევო მომსახურების მიღების სურვილის შემთხვევაში (თუ ასეთი შესაძლებლობა გათვალისწინებულია ხელშეკრულების პირობების თანახმად), დაზღვეული თანამშრომელი განახორციელებს შესაბამისი სადაზღვევო პრემიის გადახდას და შესაბამისი წერილობითი დავალების მიცემას დამზღვევისათვის/შემსყიდველისთვის, რათა მან დაზღვეულის ხელფასიდან განახორციელოს მზღვეველისათვის/მიმწოდებლისთვის კუთვნილი სადაზღვევო პრემიის დაკავება და მზღვეველისათვის გადარიცხვა.

1.5. წინადადებით წარმოდგენილი ფასის კლების ბიჯის ოდენობა: 0.40 ლარი.

1.6. ხელშეკრულების უზრუნველყოფის საბანკო გარანტია შეადგენს სახელშეკრულებო ღირებულების 2% -ს, რომელიც გამოყენებულ იქნება შემსყიდველის მიერ ხელშეკრულების შეწყვეტის შემთხვევაში.

1.7. საბანკო გარანტია ძალაში უნდა იყოს ხელშეკრულების ვადის დასრულებიდან 30 დღის განმავლობაში.

1.8. წინასწარი ანგარიშსწორება არ გამოიყენება.

1.9. ფასწარმოქმნის ადეკვატურობის დასაბუთების ვალდებულება – თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშფაქტურით (ინვოისით).

2. ტექნიკური დავალება:

ჯანმრთელობის დაზღვევის მომსახურება 2646 პერსონაზე. მათ შორის:
 საქართველოს სახელმწიფო დაცვის სპეციალური სამსახური – 2600 თანამშრომელი
 სსიპ „სახელისუფლებო სპეციალური კავშირგაბმულობის სააგენტო“ – 46 თანამშრომელი

საბაზისო ინდივიდუალური სადაზღვევო პაკეტი

სამედიცინო დახმარების სახეები		
	%	ლიმიტი
24 საათიანი სატელეფონო-საინფორმაციო მომსახურება	100%	ულიმიტო
პირადი ექიმის დახმარება	100%	ულიმიტო
ჰოსპიტალური დახმარება	100%	15000 ლარი
მშობიარობა	100%	1200 ლარი
გადაუდებელი ამბულატორიული დახმარება	100%	ულიმიტო
გეგმიური ამბულატორიული დახმარება	80%	2200 ლარი
მედიკამენტების ღირებულების ანაზღაურება	80%	1000 ლარი
სასწრაფო სამედიცინო დახმარება	100%	ულიმიტო
ყოველწლიური სავალდებულო სამედიცინო გამოკვლევა	100%	წელიწადში ორჯერ
გადაუდებელი სტომატოლოგიური დახმარება	100%	ულიმიტო
გეგმიური სტომატოლოგიური დახმარება პროვაიდერ კლინიკებში	50%	1000 ლარი
სიცოცხლის დაზღვევა	10000 ლარი	
სამოგზაურო დაზღვევა	50 000 ევრო/დოლარი (სადაზღვევო პერიოდი 30 დღე)	

1. საოჯახო პაკეტის სადაზღვევო პრემიის ოდენობის კოეფიციენტი არ უნდა აღემატებოდეს 3.0-ს.
2. დამატებით, ოჯახის წევრ(ებ)ის დაზღვევის შემთხვევაში არ უნდა იყოს აუცილებელი სადაზღვევო პაკეტის გაუმჯობესება. დამატებით, ოჯახის წევრ(ებ)ი დაზღვეული უნდა იქნეს იგივე პაკეტით, რომელითაც დაეზღვევა სამსახურის თანამშრომელი.

აუცილებელი მოთხოვნა:

– „თავისუფალი არჩევანი“-ს პრინციპი - სადაზღვევო კომპანიასთან შეტყობინებებისა და შეთანხმების გარეშე მომსახურების მიღების შესაძლებლობა დაზღვეულის სურვილისამებრ საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში (შესაბამისი ლიმიტებით და თანაგადახდით).

- ოჯახის ექიმის მიერ გამოწერილი საგარანტიო წერილით, დაზღვეულს უნდა შეეძლოს სარგებლობა მინიმუმ სამ ალტერნატიულ სააფთიაქო ქსელში (ფილიალებით ქვეყნის მასშტაბით);

- ოჯახის/პერსონალური ექიმის მომსახურების მიღება დაზღვეულს უნდა შეეძლოს მინიმუმ 15 ლიცენზირებულ სამედიცინო დაწესებულებაში ქ. თბილისში; მინიმუმ 3 ლიცენზირებულ სამედიცინო დაწესებულებაში ქ. ქუთაისში; მინიმუმ 3 ლიცენზირებულ სამედიცინო დაწესებულებაში ქ. ბათუმში. მზღვეველი ვალდებულია საქართველოს მასშტაბით ჰყავდეს კვალიფიური ოჯახის/პერსონალური ექიმების გუნდი. ამასთან, თბილისში, ქუთაისსა და ბათუმში არსებულ ოჯახის ექიმებს უნდა გააჩნდეთ ოჯახის/პერსონალური ექიმის კვალიფიკაციის დამადასტურებელი შესაბამისი

სერტიფიკატები, რომლის საფუძველზეც აღნიშნული ოჯახის ექიმები შეძლებენ მომსახურება გაუწიონ როგორც 18 წლამდე ასაკის პირებს, ასევე, 18 წელს ზევით ასაკის პირებსაც.

– ანაზღაურების მოქნილი და მარტივი სქემა - 500 ლარამდე თანხის ანაზღაურება წარდგენილი დოკუმენტების საფუძველზე სადაზღვევო კომპანიის სერვის ცენტრებში წარდგენისთანავე, 500 ლარზე ზევით პირად ანგარიშზე გადარიცხვით მაქსიმუმ 5 სამუშაო დღის განმავლობაში. ანაზღაურების პუნქტების მუშაობის საათების დაზღვეულის სამუშაო საათებთან კორექტირებით (ერთი ანაზღაურების პუნქტი მაინც უნდა მუშაობდეს შაბათს ან კვირას და/ან სამუშაო დღეებში 19.00 სთ-ს შემდეგ მინიმუმ 20.00 სთ-მდე.).

– ასაკობრივი შეზღუდვა – დაზღვევას უნდა ექვემდებარებოდნენ დამზღვევის თანამშრომლები ასაკის შეუზღუდავად, ასევე მათი ოჯახის წევრები – მეუღლე ასაკის შეუზღუდავად და შვილები/გერები 0-დან 21 წლამდე – საოჯახო ბარათის ფარგლებში და პირობებით, ხოლო 21 წლიდან შვილები/გერები და მშობლები 65 წლამდე, ასევე, დაზღვეულის სურვილის შემთხვევაში, მეუღლე ასაკის შეუზღუდავად, ინდივიდუალური ბარათის ფარგლებში და პირობებით.

შენიშვნა:

გამარჯვებულმა კომპანიამ უნდა უზრუნველყოს დაზღვეულები დამატებითი შესაძლებლობით თავისთვის და თავისი ოჯახისათვის (მეუღლე, შვილები/გერები, მშობლები) თავისი სურვილით, საკუთარი ხარჯით გაიზარდონ (გაიუმჯობესონ) სადაზღვევო მომსახურების პაკეტი. ამასთან, შემსყიდველი უზრუნველყოფს დაზღვეულთა ხელფასიდან შესაბამისი დამატებითი ან/და გაუმჯობესებული სადაზღვევო მომსახურების ღირებულების დაკავებას და პრეტენდენტისათვის გადარიცხვას.

გამარჯვებულმა კომპანიამ, დაზღვეულის პენსიაზე გასვლის, სამსახურიდან წასვლის, დეკრეტულ შვებულებაში გასვლის, ან/და გარდაცვალების შემთხვევაში, დაზღვეულის ან/და მისი ოჯახის წევრ(ებ)ის სურვილისამებრ, უნდა უზრუნველყოს ინდივიდუალური ხელშეკრულების გაფორმება არსებული პირობებით.

1) 24 საათიანი სატელეფონო კონსულტირება;

სადღეღამისო სატელეფონო-საინფორმაციო, საორგანიზაციო კონსულტაციები ჯანმრთელობის მდგომარეობასთან დაკავშირებული ნებისმიერი პრობლემის წარმოქმნისას. დაზღვეულს საშუალება უნდა ქონდეს მიიღოს სრული და ოპერატიული ინფორმაცია სადაზღვევო პროგრამის, სამედიცინო დახმარების ორგანიზებისა და კოორდინირების შესახებ. აღნიშნული გულისხმობს დაზღვეულის ჰოსპიტალური და ამბულატორიული მკურნალობის საჭიროებისას როგორც მკურნალობის პროცესზე და ხარისხზე, ასევე სამედიცინო და ფინანსურ დოკუმენტაციაზე ზედამხედველობის უზრუნველყოფას.

2) პირადი ექიმის დახმარება; :

- პირადი ექიმის კონსულტაციები;
- საჭიროების შემთხვევაში პირადი ექიმის ვიზიტი ბინაზე;
- დაზღვეულის ჯანმრთელობის მდგომარეობის მონიტორინგი და დაზღვეულის ავადმყოფობის ისტორიის შექმნა;
- სამედიცინო რეკომენდაციები ცხოვრების ჯანსაღი წესის დამკვიდრებისთვის;
- საჭიროების შემთხვევაში დამატებითი სპეციალისტების მოწვევა და კონსილიუმების ორგანიზება;
- თითოეულ დაზღვეულს უნდა შეეძლოს შეუზღუდავად ისარგებლოს პირადი ექიმ(ებ)ის დახმარებით.
- მზღვეველმა უნდა უზრუნველყოს პირადი ექიმის განთავსება ნებისმიერ კლინიკაში ან დამზღვევის ობიექტზე დამზღვევის მოთხოვნით, რომელიც მოემსახურება დამზღვევის თანამშრომლებს და მათი ოჯახის წევრებს.

3) ჰოსპიტალური დახმარება:

- სამკურნალო დაწესებულებაში სამედიცინო დახმარება დაზღვეულის 24 სთ-ზე (ოტო-რინო-ლარინგოლოგიური ქირურგიული ოპერაციების შემთხვევაში 6 სთ-ზე) მეტი ხნით განთავსებისას, აღნიშნული უნდა მოიცავდეს როგორც გადაუდებელი, ასევე გეგმიური ჰოსპიტალური დახმარებისას სამკურნალო-დიაგნოსტიკური, ლაბორატორიული და ინსტრუმენტული გამოკვლევების გარანტირებული მოცულობის უზრუნველყოფას. მათ შორის კონსულტაციების, სათანადო ქირურგიული და კონსერვატიული მკურნალობის, მოვლის, სამედიცინო მანიპულაციების, დანიშნული მედიკამენტების, ამბულატორიული მკურნალობის და ყველა სხვა აუცილებელი ღონისძიებების ხარჯების ანაზღაურებას სადაზღვევო პროგრამით განსაზღვრული ლიმიტის ფარგლებში. გეგმიური ჰოსპიტალიზაციის ლიმიტის ფარგლებში სრულად (სუბლიმიტის გარეშე) უნდა ფინანსდებოდეს ყველა მანიპულაცია;

4) მშობიარობა:

- მშობიარობის ხარჯების (ფიზიოლოგიური მშობიარობა, საკეისრო კვეთა) ანაზღაურებას. სადაზღვევო მომსახურების მიღება მოხდება სადაზღვევო პროგრამით განსაზღვრული ლიმიტის და თანაგადახდის ფარგლებში.

5) ამბულატორიული მკურნალობა:

უნდა ითვალისწინებდეს შესაბამისი სამედიცინო ჩვენებით სამედიცინო დახმარებას საქართველოს ტერიტორიაზე არსებულ ლიცენზირებულ სამედიცინო დაწესებულებაში. აღნიშნული უნდა მოიცავდეს როგორც გადაუდებელი ასევე გეგმიური ამბულატორიული მომსახურების შემთხვევაში სხვადასხვა პროფილის ექიმ-სპეციალისტების კონსულტაციების, სამედიცინო მანიპულაციების და ლაბორატორიულ-ინსტრუმენტული გამოკვლევების ხარჯების ანაზღაურებას, ასევე შესაბამისი სამედიცინო ჩვენებით, ნებისმიერ ლაბორატორიულ ინსტრუმენტულ კვლევებს, გინეკოლოგიის კონსულტაციებსა და მედიკამენტოზურ მკურნალობას ორსულობის მთელი პერიოდის განმავლობაში, სადაზღვევო პროგრამით განსაზღვრული ლიმიტის და თანაგადახდის ფარგლებში.

6) მედიკამენტების ღირებულების ანაზღაურება:

- ექიმის მიერ (მათ შორის როგორც პროვაიდერი, ასევე არაპროვაიდერი კლინიკის სტომატოლოგის მიერ) დანიშნული მედიკამენტების ხარჯების ანაზღაურება სადაზღვევო პროგრამით განსაზღვრული ლიმიტის და თანაგადახდის ფარგლებში. სადაზღვევო მომსახურების მიღება მოხდება დაზღვეულის მიერ წარმოდგენილი სათანადო დოკუმენტაციის საფუძველზე.

7) სასწრაფო სამედიცინო დახმარება:

- ნებისმიერი ლიცენზირებული, გადაუდებელი სამედიცინო დახმარების ბრიგადების მომსახურება. აგრეთვე, საჭიროების შემთხვევაში, უფასო ტრანსპორტირება საქართველოს ტერიტორიაზე.

8) ყოველწლიური სავალდებულო სამედიცინო გამოკვლევა:

შემსყიდველის სამედიცინო მთავარი სამმართველოს მოთხოვნის საფუძველზე ან/და დაზღვეულის სურვილით ლიცენზირებულ სამედიცინო დაწესებულებაში შემდეგი სახის სამედიცინო გამოკვლევები:

- თერაპევტის კონსულტაცია;
- კლინიკურ-ლაბორატორიული გამოკვლევები (თერაპევტის რეკომენდაციით);
- სისხლის საერთო ანალიზი;
- შარდის საერთო ანალიზი;
- პროთრომბინის განსაზღვრა სისხლში;
- ექოსკენირება;
- რენტგენოგრაფია;

სახელმწიფო დაცვის სპეციალური სამსახურის სამედიცინო მთავარი სამმართველოს მოთხოვნის საფუძველზე 20 თანამშრომლისთვის დამატებით:

ა) წელიწადში ერთხელ

- ცხვირ-ხახის ბაქტერიოლოგიური კვლევა (პათოგენურ მიკროფლორაზე);
- შემოწმება ჰელმინთების კვერცხებზე, ჰეპატიტი B, C, შიდსი, ათაშანგი, გონორეა;
- გამოკვლევა ტუბერკულოზზე (გულმკერდის რენტგენოგრაფია).

ბ) კვარტალში ერთხელ

- დერმატო-ვენეროლოგის კონსულტაცია, ვენერიული და კანის სხვადასხვა დაავადებების გამორიცხვის მიზნით.

9) გადაუდებელი სტომატოლოგიური დახმარება:

მხოლოდ კბილის მწვავე ტკივილის მოხსნა და ექსტრაქციასთან (კბილის ამოღება) დაკავშირებული ხარჯების ანაზღაურება, თავისუფალი არჩევანის პრინციპით, ნებისმიერ სტომატოლოგიურ კლინიკაში საქართველოს ტერიტორიაზე.

10) გეგმური სტომატოლოგიური დახმარება:

ყველა სახის დიაგნოსტიკური, თერაპიული და ქირურგიული მკურნალობის ხარჯების ანაზღაურება სადაზღვევო პროგრამით განსაზღვრული ლიმიტისა და თანაგადახდის ფარგლებში პროვაიდერ სტომატოლოგიურ კლინიკაში საქართველოს ტერიტორიაზე.

11) სიცოცხლის დაზღვევა:

ითვალისწინებს დაზღვეული თანამშრომლის უბედური შემთხვევით ან ნებისმიერი ბუნებრივი მიზეზით გამოწვეული (გარდა სუიციდისა და გამონაკლისებში გათვალისწინებული შემთხვევებისა) გარდაცვალების შემთხვევაში მოსარგებლისათვის (ოჯახის ან ოჯახის რომელიმე წევრი) თანხის ანაზღაურებას. სადაზღვევო მომსახურების მიღება მოხდება მოსარგებლის მიერ წარმოდგენილი სათანადო დოკუმენტაციის საფუძველზე სადაზღვევო პროგრამით განსაზღვრული ლიმიტის ფარგლებში.

12) სამოგზაურო დაზღვევა:

ითვალისწინებს მხოლოდ თანამშრომლის დაზღვევას საზღვარგარეთ მოგზაურობისას.

ჯანმრთელობის დაზღვევის გამონაკლისები:

- შაქრიანი ან უშაქრო დიაბეტთან, თირკმლის და/ან ღვიძლის ქრ. უკმარისობასთან, სისტემურ დაავადებებთან (კერძოდ: კვანძოვანი პოლიართრიტი, მანევროზებელი ვასკულოპათიები, სისტემური წითელი მგლურა, დერმატოპოლიმიოზიტი, სისტემური სკლეროზი, შემაერთებელი ქსოვილის სისტემური დაზიანებები) და მათ გართულებებთან დაკავშირებული გამოკვლევისა და მკურნალობის ხარჯები, გარდა ურგენტული (გადაუდებელი) სამედიცინო დახმარებისა და პირველადი დიაგნოსტიკისა;
- სხეულის განზრახ თვითდაზიანებით გამოწვეულ დაავადებათა სამედიცინო მომსახურების ხარჯები; გარდა იმ შემთხვევებისა, როდესაც დაზღვეული თანამშრომელი მოქმედებს სხვისი სიცოცხლის გადარჩენის მიზნით, აგრეთვე როდესაც დაზღვეული ს.დ.ს.ს. თანამშრომელი სამსახურებრივი მოვალეობის შესრულების დროს განზრახ იგდებს თავს საფრთხეში დაცვის ობიექტის ქონების გადასარჩენად; თვითმკურნალობის და მისი გართულებების ხარჯები; ალტერნატიული (არატრადიციული) მედიცინის, აკუპუნქტურის, ჰომეოპათიის, პლაზმაფერეზის (გარდა პოლინეიროპათიების), ოზონოთერაპიის, მეზოთერაპიის ხარჯები. ბიოლოგიურად აქტიური ან/და კვებითი დანამატების, პირადი ჰიგიენის ან/და მოვლის საშუალებების შექმნასთან დაკავშირებული ხარჯები;
- არასამედიცინო ჩვენებით განპირობებული და ნებისმიერი დამატებითი მომსახურების ხარჯები;
- ნებისმიერი პროფესიული სპორტის სახეობებში ან სპორტსმენის სახით სპორტულ სახეობებში (სპორტულ შეჯიბრში, წვრთნაში, საჩვენებელ გამოსვლაში და სხვ.)

მონაწილეობისას (გარდა სამსახურებრივი ნორმატივების ჩაბარებისა), ან მომეტებული რისკის სამოყვარულო სპორტის სახეობებში, კერძოდ: პარაშუტით ან დელტაპლანით ხტომაში, კლდეზე ცოცვაში, მთასვლელობაში, ავტო ან მოტო რბოლაში, სპელეოლოგიაში, წყალქვეშ ყვინთვაში, ცხენოსნობაში, ჯომარდობაში, რაგბში მონაწილეობისას დამდგარ შემთხვევებთან დაკავშირებული ხარჯები;

- ალკოჰოლიზმთან, ნარკომანიასა და ტოქსიკომანიასთან დაკავშირებული ხარჯები; ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული დაავადებების სამედიცინო მომსახურების ხარჯები;
- ეგზოპროთეზებთან და მაკორეგირებელი დანიშნულების სამედიცინო მოწყობილობებთან (გარდა სასიცოცხლო ჩვენებისა), ორგანოთა ტრანსპლანტაციასთან დაკავშირებული ხარჯები, ნებისმიერი სამედიცინო ჩარევის დროს; მხედველობის ექსიმერ-ლაზერით კორექციასთან, სათვალეების, ლინზებისა და სმენის აპარატის შექმნასთან დაკავშირებული ხარჯები;
- ვაქცინაციის და იმუნიზაციის ხარჯები (გარდა ანტიტეტანურისა, ანტირაბიულისა და ბოტულიზმისა); თანდაყოლილი და გენეტიკური დაავადებების და მათი გართულებების სამედიცინო მომსახურების ხარჯები; კოსმეტიკური მკურნალობის, პლასტიკური ქირურგიის (პლასტიკური ქირურგიის ხარჯები ანაზღაურდება მხოლოდ იმ შემთხვევაში თუ საჭიროა ორგანოს ფუნქციის აღდგენის მიზნით ქირურგიული ოპერაცია), წონის კორექციასთან დაკავშირებული ხარჯები;
- უნაყოფობის, იმპოტენციის დიაგნოსტიკის და მკურნალობის ხარჯები; არასამედიცინო ჩვენებით ჩატარებული აბორტის ხარჯები; კონტრაცეფციის, ხელოვნური განაყოფიერების, რეპროდუქტოლოგიის ხარჯები;
- გონორეის, ათამანგის, შანკროიდის, ვენერიული გრანულომით გამოწვეული დონოვანოზის გამოკვლევის და მკურნალობის ხარჯების ანაზღაურება (ანაზღაურდება მხოლოდ პირველადი დიაგნოსტიკა);
- ფსიქიური დაავადებების, სარეაბილიტაციო მკურნალობის და მასაჟის ხარჯები (აღნიშნული ხარჯები ანაზღაურდება სადაზღვევო პერიოდის განმავლობაში შექმნილ დაავადებებზე. მკურნალობა განისაზღვრება სამედიცინო ჩვენებების საფუძველზე, მაგრამ არაუმეტეს 10 სეანსისა და სადაზღვევო ლიმიტის ფარგლებში); ხარჯები, გაწეული შიდსის და B და C ჰეპატიტების მკურნალობისას;
- თავისუფლების აღკვეთის პერიოდში გაწეული სამედიცინო მომსახურების ხარჯები;

შენიშვნა: იმ შემთხვევაში, თუ სამედიცინო მომსახურების დაფინანსება გათვალისწინებულია რაიმე სახის სახელმწიფო/რეფერალური პროგრამით, მათ შორის, სახელმწიფო სადაზღვევო პროგრამით, მზღვეველი იღებს ვალდებულებას, დაფაროს/ანაზღაუროს დაზღვეულის მიერ ასეთი პროგრამის ფარგლებში თანაგადახდის პრინციპით გადასახდელი თანხები წინამდებარე ხელშეკრულებით გათვალისწინებული პირობების თანახმად. ამასთან, თუ დაზღვეული სამედიცინო მოსახურებას მიიღებს ისეთ სამედიცინო დაწესებულებაში, სადაც არ მოქმედებს შესაბამისი სახელმწიფო პროგრამა, მზღვეველი იღებს ვალდებულებას, აანაზღაუროს მიღებული სამედიცინო მომსახურების ღირებულება სრულად, ამ ხელშეკრულების პირობების მიხედვით, დაზღვეულის შესაბამის ბარათში არსებული ლიმიტისა და თანაგადახდის გათვალისწინებით.

ენდოპროთეზირებისას, აგრეთვე სხვა მაკორეგირებელი დანიშნულების სამედიცინო მოწყობილობების საშუალებით ჩატარებული ოპერაციების დროს, მზღვეველი იტოვებს უფლებას, თავისი შეხედულებისამებრ განსაზღვროს ამგვარი სამედიცინო მოწყობილობ(ებ)ის მარკა/მოდელი/ტიპი.

დაავადების ჯანმრთელობის გამონაკლისებში მიკუთვნების საკითხი უნდა დასაბუთდეს მზღვეველის მიერ, დაზღვეულის მიერ სათანადო დოკუმენტაციის წარდგენიდან 5 სამუშაო დღის განმავლობაში. წინააღმდეგ შემთხვევაში ანაზღაურება ხდება სადაზღვევო პროგრამით განსაზღვრული ლიმიტის და თანაგადახდის ფარგლებში.

სიცოცხლის დაზღვევის გამონაკლისები:

1. თუ გარდაცვალება პირდაპირ ან არაპირდაპირ გამოწვეულია ან შედეგად მოჰყვა დაზღვეულის ალკოჰოლური ნივთიერებების ზემოქმედების ქვეშ ყოფნას; ან თუ დაზღვეული შემთხვევის დროს იმყოფებოდა ნარკოტიული, ფსიქოტროპული ან ტოქსიკური ნივთიერებების ზემოქმედების ქვეშ;
2. თუ გარდაცვალება პირდაპირ ან არაპირდაპირ გამოწვეულია ან შედეგად მოჰყვა დაზღვეულის მიერ ჩადენილ თვითმკვლელობას ან თვითმკვლელობის მცდელობას, განზრახ თვითდაზიანებას;
3. თუ გარდაცვალება შედეგია დაზღვეულის მკვლელობისა, რომლის პირდაპირ ან არაპირდაპირ, უშუალო ან არაუშუალო მონაწილედ გვევლინება მოსარგებლე ან ნებისმიერი პირი, რომელიც დაინტერესებულია გარდაცვალების გამო ანაზღაურების მიღებით;
4. თუ გარდაცვალება შედეგია დაზღვეულის მიერ სისხლის სამართლის კოდექსით გათვალისწინებული კანონსაწინააღმდეგო ქმედების ჩადენის ან ამგვარის მცდელობისა;
5. თუ გარდაცვალება შედეგია დაზღვეულის შიდსით დაავადების ან აივ-ით ინფიცირების;
6. დაზღვევა არ ვრცელდება პირებზე:
 - რომელთაც დაზღვევის ძალაში შესვლის მომენტში უტარდებათ სტაციონარული მკურნალობა ან რომელნიც საჭიროებენ მუდმივ მოვლას, ანუ ჭირდებათ დამხმარე ყოველდღიური საყოფაცხოვრებო აქტივობის შესასრულებლად;
 - როდესაც გარდაცვალების მიზეზი უცნობია.

ერთი ბარათის მეორეთი ჩანაცვლებისა და ახალი დაზღვეულის დამატების წესი (უნდა ვრცელდებოდეს როგორც საბაზისო, ასევე გაუმჯობესებულ ბარათებზე):

ხელშეკრულებით გათვალისწინებული ერთი ბარათის მეორეთი ჩანაცვლება, ასევე ოჯახის წევრის სახით ახალი დაზღვეულის დამატება შესაძლებელი უნდა იყოს ხელშეკრულების ძალაში შესვლიდან მინიმუმ 2 (ორი) თვის განმავლობაში (ახალი თანამშრომლის სამსახურის მიღების შემთხვევაში, ასეთი ფაქტის დადგომიდან

მინიმუმ 1 (ერთი) თვის განმავლობაში). ამასთან, მშობლების დამატება შესაძლებელი უნდა იყოს ხელშეკრულების ძალაში შესვლიდან 1 (ერთი თვის) განმავლობაში. ზემოაღნიშნული ვადის მიუხედავად, მეუღლის ოჯახის წევრის სახით დაზღვეულად დამატება შესაძლებელი უნდა იყოს ხელშეკრულების მოქმედების განმავლობაში დაქორწინების შემთხვევაში, ასეთი ფაქტის დადგომიდან 1 (ერთი) თვის განმავლობაში, ხოლო ახალშობილი შვილის – ბავშვის დაბადებიდან 1 (ერთი) თვის განმავლობაში.

3. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრედენდენტთან ხელშეკრულების გაფორმების პროცესში.

სახელმწიფო შესყიდვის

ხ ე ლ შ ე კ რ უ ლ ე ბ ა №

ქ.თბილისი

“-----“, 2016 წ.

წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის მე-16¹ მუხლის პირველი პუნქტის შესაბამისად ----- ერთის მხრივ, სახელმწიფო დაცვის სპეციალურ სამსახურსა (მდებარე ქ.თბილისი, 9 აპრილის ქ. №2 შემდგომში „შემსყიდველი“) და მეორეს მხრივ, ----- (შემდგომში „მიმწოდებელი“) შორის.

1. ხელშეკრულების საგანი

1.1. წინამდებარე ხელშეკრულების საგანია 2017 წლის განმავლობაში სახელმწიფო დაცვის სპეციალური სამსახურის ----- უზრუნველყოფის სახელმწიფო შესყიდვა, კერძოდ დანართ №1-ში ჩამოთვლილი მომსახურების (შემდეგ – “მომსახურება”) შესყიდვა.

მუხლი 2. ხელშეკრულების ღირებულება

2.1 ხელშეკრულების ღირებულება შეადგენს ----- (შემდგომში „ხელშეკრულების ფასი“);

მუხლი 3. მომსახურების მიწოდების და მიღება-ჩაბარების პირობები

3.1. „მიმწოდებელი“ ვალდებულია, მომსახურების მიწოდება განახორციელოს ხელშეკრულების გაფორმების დღიდან 2017 წლის 31 დეკემბრის ჩათვლით.

3.2. მომსახურების გადმოცემა მოხდება საგადასახადო ანგარიშ-ფაქტურისა და მიღება-ჩაბარების აქტის საფუძველზე, რომელსაც ხელს აწერენ მხარეთა მიერ უფლებამოსილი პირები.

3.3. “შემსყიდველი” უფლებამოსილია უარი განაცხადოს უხარისხო მომსახურების მიღებაზე.

მუხლი 4. ანგარიშსწორება

4.1 ანგარიშსწორების ფორმა იქნება უნაღლო ანგარიშსწორება ეროვნულ ვალუტაში.

4.2. ანგარიშსწორების ვადაა: ეტაპობრივი, ყოველი თვის 1 რიცხვის მდგომარეობით ფაქტობრივად სამსახურში რიცხული თანამშრომელთა რაოდენობის მიხედვით, ყოველი მომდევნო თვის 10 რიცხვამდე. ხოლო დეკემბრის თვის ანაზღაურება მოხდება 2017 წლის ბოლო სამუშაო დღემდე.

4.3. ანგარიშსწორების განხორციელებისათვის „მიმწოდებელმა“ უნდა წარმოადგინოს შესაბამისი დოკუმენტაცია.

მუხლი 5. გარანტია

5.1 „მიმწოდებელი“ იძლევა გარანტიას, რომ გაწეული მომსახურება შეესაბამება „შემსყიდველის“ მოთხოვნებს;

5.2 „მიმწოდებელი“ ვალდებულია შეტყობინების მიღებისთანავე განახორციელოს წუნდებული მომსახურების გამოსწორება „შემსყიდველის“ მხრიდან რაიმე დამატებითი დანახარჯის გაწევის გარეშე;

მუხლი 6. ხელშეკრულების შესრულების კონტროლი

6.1 ხელშეკრულების შესრულების კონტროლი განხორციელდება გაწეული მომსახურების ხარისხის შემოწმების გზით;

6.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ნაკლის აღმოფხვრა.

6.3 ხელშეკრულების შესრულების კონტროლს განახორციელებენ „შემსყიდველის“ შემდეგი წარმომადგენლები:

- 1) -----;
- 2) -----.

მუხლი 7. მხარეთა უფლება-მოვალეობანი

7.1 „მიმწოდებელს“ უფლება აქვს:

7.1.1 მოთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

7.1.2 არ აანაზღაუროს იმ სამედიცინო მომსახურების ხარჯები, რომელიც არ არის გათვალისწინებული დაზღვევის პირობებით (დანართი №1) და/ან ხვდება გამონაკლისთა ნუსხაში;

7.1.3 მის მიერ უფლებამოსილი ექიმი-ექსპერტის მეშვეობით ჩაუტაროს გამოკვლევა დაზღვეულს და გაეცნოს მის ავადმყოფობის ისტორიას იმ შემთხვევაში, თუ ჩათვლის ამას მიზანშეწონილად, ამასთან, „მიმწოდებლის“ წარმომადგენელი უფლებამოსილია, შეამოწმოს სამედიცინო დაწესებულებაში დაზღვეულისთვის გაწეული სამედიცინო მომსახურების მოცულობა და გაწეული ხარჯები;

7.1.4 თუ შეთანხმებული პროვაიდერი აღარ აკმაყოფილებს „მიმწოდებლის“ მიერ დადგენილ მომსახურების კრიტერიუმებსა და სტანდარტებს, ამოიღოს იგი პროვაიდერთა სიიდან და ჩაანაცვლოს სხვა პროვაიდერთ, რის თაობაზეც წერილობითი ფორმით აცნობოს „შემსყიდველს“;

7.1.5 არ გასცეს სადაზღვევო ანაზღაურება დაზღვეულის მიერ (ან დაზღვეულის მონაწილეობით) სადაზღვევო შემთხვევის დადგომის ფაქტის და/ან ანაზღაურების მიღებისათვის აუცილებელი დოკუმენტების გაყალბების, ასევე, ყალბი ინფორმაციის წარმოდგენის ფაქტის გამოვლენის შემთხვევაში.

7.2 „მიმწოდებელი“ ვალდებულია:

7.2.1 ხელშეკრულებით გათვალისწინებული ხარჯები აუნაზღაუროს დაზღვეულს შესაბამისი ხარჯების დამადასტურებელი დოკუმენტაციის წარმოდგენიდან 5 (ხუთი) სამუშაო დღის განმავლობაში. აღნიშნულ ვადაში სადაზღვევო ანაზღაურების გაუცემლობის შემთხვევაში დაზღვეულს ამავე ვადაში უნდა წარუდგინოს არგუმენტირებული უარი წერილობითი ფორმით;

7.2.2 განახორციელოს დაზღვევა წინამდებარე ხელშეკრულებით შეთანხმებული დაზღვევის პირობების შესაბამისად და ამასთან „შემსყიდველის“ ნებისმიერი თანამშრომელი დააზღვიოს მათი სურვილის შესაბამისად გაუმჯობესებული დაზღვევის პროგრამით;

7.2.3 გადასცეს “შემსყიდველს” თითოეული დაზღვეულისათვის განკუთვნილი ბარათი/ები, „შემსყიდველის“ მიერ თანამშრომლების სიის გადაცემიდან 5 სამუშაო დღის განმაცვლობაში;

7.2.4 დაიცვას ხელშეკრულებით გათვალისწინებული ყველა პირობა.

7.2.5 წარმოადგინოს ხელშეკრულების შესრულების უზრუნველყოფის 2%-ანი გარანტია, რომლის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას;

7.3 „შემსყიდველს“ უფლება აქვს:

7.3.1 შეამოწმოს გაწეული მომსახურების ხარისხის შესაბამისობა ხელშეკრულებით გათვალისწინებულ პირობებთან;

7.3.2 წინამდებარე ხელშეკრულების 7.2.1. პუნქტით გათვალისწინებული ვალდებულების შეუსრულებლობის შემთხვევაში განუსაზღვროს “მიმწოდებელს” დამატებითი ვადა არაუმეტეს 15 კალენდარული დღისა, აღნიშნული ვალდებულების შესასრულებლად;

7.3.3 წინამდებარე ხელშეკრულების 7.3.2 პუნქტით გათვალისწინებული დამატებითი ვადის უშედეგოდ გასვლის შემთხვევაში შეწყვიტოს ხელშეკრულება;

7.3.4 მხარეთა შორის ხელშეკრულებიდან გამომდინარე არსებით საკითხებზე შეუთანხმებლობის შემთხვევაში შეწყვიტოს ხელშეკრულება;

7.3.5 მოთხოვოს “მიმწოდებელს” განხორციელებული დაზღვევის დამადასტურებელი დოკუმენტის, თითოეული დაზღვეულისათვის ინდივიდუალურად განკუთვნილი ბარათის მისთვის გადაცემა;

7.3.6 სადაზღვევო ბარათის დაკარგვის ან განადგურების შემთხვევაში, მოსთხოვოს „მიმწოდებელს“ დაკარგული ბარათის ძალადაკარგულად გამოცხადება და მისი დუბლიკატის გაცემა. ამ პროცედურასთან დაკავშირებულ ხარჯებს იღებს „მიმწოდებელი“.

7.4 „შემსყიდველი“ ვალდებულია:

7.4.1 მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;

7.4.2 მის მიერ ხელშეკრულების შეწყვეტის შემთხვევაში გამოიყენოს ხელშეკრულების შესრულების 2%-ანი საბანკო გარანტია, რომელიც მიმართულ უნდა იქნეს სახელმწიფო ბიუჯეტში;

7.4.3 წინამდებარე ხელშეკრულების გაფორმებისას მიაწოდოს „მიმწოდებელს“ დაზღვეულ პირთა სია შესაბამისი საიდენტიფიკაციო მონაცემების მითითებით (სახელი, გვარი, დაბადების თარიღი, პირადი ნომერი);

7.4.4 წერილობით შეატყობინოს „მიმწოდებელს“ დაზღვეულ პირთა სიაში ცვლილებების შესახებ წინამდებარე ხელშეკრულების მე-8 მუხლით გათვალისწინებული პირობების შესაბამისად;

7.4.5 ხელშეკრულებით გათვალისწინებული საფუძვლებით დაზღვევის/ხელშეკრულების ვადაზე ადრე შეწყვეტისას, აუნაზღაუროს „მიმწოდებელს“ მომსახურების ღირებულება, ხელშეკრულების ძალაში ყოფნის პერიოდის პროპორციულად.

მუხლი 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

მუხლი 9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 10. ხელშეკრულების შეწყვეტა

10.1 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

(ა) თუ „მიმწოდებელს“ ხელშეკრულებით გათვალისწინებულ ვადაში არ შეუძლია გაუწიოს მომსახურება;

(ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

(გ) 7.33. და 7.34. პუნქტებით გათვალისწინებულ შემთხვევაში.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ და „შემსყიდველს“ დანარჩენი ვალდებულებების შესრულებისაგან;

10.3 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) „მიმწოდებლის“ გადახდისუუნაროდ ცნობის შემთხვევაში;

გ) „მიმწოდებლისათვის“ წერილობითი შეტყობინების გაგზავნიდან 30 დღის შემდეგ;

დ) საქართველოს კანონმდებლობით გათვალისწინებულ სხვა შემთხვევებში.

მუხლი 11. მხარეთა პასუხისმგებლობა

11.1 ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

მუხლი 12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გაგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 13. ხელშეკრულების მოქმედების ვადა

13.1 ხელშეკრულება ძალაში შედის მისი ხელის მოწერის დღიდან და მოქმედებს 2018 წლის 31 იანვრის ჩათვლით.

მუხლი 14. სადაო საკითხების გადაწყვეტა

14.1. წინამდებარე სახელშეკრულებო ურთიერთობებიდან წარმოშობილი ნებისმიერი დავა წყდება მხარეთა ურთიერთმოლაპარაკების გზით.

14.2. მხარეთა შორის შეთანხმების მიუღწევლობის შემთხვევაში დავა წყდება საქართველოს კანონმდებლობით გათვალისწინებული წესით.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება თანაბარი იურიდიული ძალის მქონე 2 (ორი) ეგზემპლარად (ერთი-შემსყიდველს, მეორე - მიმწოდებელს), საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

„შემსყიდველი“

„მიმწოდებელი“

საქართველოს სახელმწიფო
დაცვის სპეციალური სამსახური

ქ.თბილისი, 9 აპრილის ქ.№2
ჭოროხის ქ.№6

სახელმწიფო საზინა
სახელმწიფო დაცვის სპეციალური
სამსახურისათვის – 4001

ა/ა GE24NB0330100200165022
კოდი TRESGE22

საიდენტიფიკაციო კოდი 203840344

„შემსყიდველის“ სახელით:

„მიმწოდებლის“ სახელით:

სახელმწიფო დაცვის სპეციალური
სამსახურის ეკონომიკური დეპარტამენტის
უფროსის მოადგილე

ი. ტარასაშვილი

4. აფიდავიტის საილუსტრაციო ფორმა

აფიდავიტი

სატენდერო/საკონკურსო წინადადების დამოუკიდებლად განსაზღვრის თაობაზე

გამოსცხადებულ ტენდერში/კონკურსში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო/საკონკურსო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო/საკონკურსო წინადადება დისკვალიფიცირებულ იქნება, თუ აღმოჩნდა, რომ სატენდერო/საკონკურსო წინადადებაში მოცემული ინფორმაცია არის ცალბი ან/და არასწორი;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო/საკონკურსო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო/საკონკურსო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო/საკონკურსო წინადადება ამ ტენდერში/კონკურსში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო/საკონკურსო წინადადების ფასი;
- სატენდერო/საკონკურსო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო/საკონკურსო წინადადების წარდგენა ან წარდგენისგან თავის შეკავება;
- ისეთი სატენდერო/საკონკურსო წინადადების განზრახ წარდგენა, რომელიც არ აკმაყოფილებს გამოსცხადებულ ტენდერის/კონკურსის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინორების დეტალები, რომელთაც ეხება სატენდერო/საკონკურსო წინადადება;

* სატენდერო/საკონკურსო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო/საკონკურსო წინადადების განსაზღვრის მიზნებისთვის.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

★ თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო/საკონკურსო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლისსამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

5. საბანკო გარანტიის ფორმა

ხელშეკრულების შესრულების საბარანტიო უზრუნველყოფა (საბანკო გარანტია)

ვის: _____

(შემსყიდველის დასახელება)

მხედველობაში ვიდებთ რა, რომ _____

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

_____ (თანხა ციფრებით)

_____ (თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

_____ (თარიღი)

_____ (მისამართი)

6. დამატებითი ინფორმაცია:

6.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში: ქ. თბილისი, ჭოროხის ქ. №6

საკონტაქტო პირები:

თამარ რამაზაშვილი	577 30 51 30	tamoramazashvili@gmail.com
ვასო ცერცვაძე	577 32 06 25	vasotsertsvadze@gmail.com
გიორგი ბადაგაძე	595 90 11 01	giorgi.badagoni@gmail.com